



REPUBLIKA E SHQIPËRISË
KËSHILLI I MINISTRAVE

DREJTORIA PËRGJEGENTË
KOMBËTAR BANESAVE
TIRANE

20 DECEMBER 2019

VENDIM

NR. PROL. 2712

Nr. 823, datë 18.12.2019

PËR

PROCEDURËN E BLERJES SË BANESAVE NË TREGUN E LIRË,
QË I SHTOHEN FONDIT PUBLIK TË BANESAVE SOCIALE
ME QIRA

Në mbështetje të nenit 100 të Kushtetutës dhe të pikës 3, të nenit 21, të ligjit nr.22/2018, "Për strehimin social", me propozimin e ministrit të Financave dhe Ekonomisë, Këshilli i Ministrave

VENDOSI:

1. Qëllimi i këtij vendimi është të përcaktojë procedurat për blerjen e banesave në tregun e lirë, të cilat do të përdoren për programin e banesave sociale me qira.
2. Blerja e banesave sociale në tregun e lirë realizohet, si rregull, kur çmimet e shitblerjes së banesave në treg janë më të ulëta se kostoja e ndërtimit të banesave të reja. Njësia e vetëqeverisjes vendore ose Enti Kombëtar i Banësive kryen blerjen e banesës sociale, në zbatim të nenit 21, të ligjit nr.22/2018, "Për strehimin social", kur kostoja e ndërtimit të një banese sociale me qira, sipas kushteve, normave dhe standardeve të përcaktuara me vendim të Këshillit të Ministrave, është më e madhe se vlera në treg e banesave me të njëjtat kushte, norma dhe standarde.
3. Banesat sociale në tregun e lirë, që do të bëhen pjesë e fondit publik të banesave sociale, mund të blihen mbi koston e ndërtimit vetëm për zgjidhjen e rasteve të përcaktuara në pikat 1 e 2, të nenit 21, të ligjit nr.22/2018. Miratimi i rasteve përjashtimore të blerjes së banesave sociale në treg mbi koston e ndërtimit, në varësi të burimit të financimit, bëhet.

- a) me vendim të këshillit të njësisë së vetëqeverisjes vendore, kur programi zbatohet nga njësitë e vetëqeverisjes vendore;
- b) me vendim të organit drejtues të Entit Kombëtar të Banesave, kur ky përdor burimet e veta të financimit;
- c) me urdhër të ministrit përgjegjës për strehimin, kur njësitë e vetëqeverisjes vendore ose institucioni publik i strehimit përdorin fonde që i janë çelur nga buxheti i shtetit.

4. Blerja e banesave sociale me qira kryhet:

- a) drejtpërdrejt në treg të lirë; dhe/ose
 - b) nga shitja e banesave në ankandin e organizuar nga përmbaruesi gjyqësor, pasi ka mbaruar ankandi i parë, sipas procedurës dhe parashikimeve të nenit 557, të Kodit të Procedurës Civile, si dhe në plotësim të kushteve të parashikuara nga shkronja "b", e nenit 18, të ligjit nr.22/2018.
5. Banesat që blihen për t'iu shtuar fondit të banesave sociale me qirë, duhet të plotësojnë normat dhe kushtet e parashikuara në legjislacionin në fuqi, që përcakton kushtet, normat dhe standardet e banesave sociale në programet përkatëse të strehimit.
6. Mungesa e elementeve të përshtatshmërisë së banesave për persona me aftësi të kufizuara ose prania e problemeve teknike si lagështia, rrjedhja e tubacioneve e të tjera, të ngjashme me to, nuk përbëjnë detyrimisht arsyë për refuzimin e blerjes, nëse kostot për riparimin e tyre së bashku me çmimin e ofruar për shitje nuk tejkalojnë koston e ndërtimit të një banese të re. Vlera e investimit i shtohet vlerës me të cilën është blerë banesa për llogaritjen e masës së qirasë mujore.
7. Njësia përgjegjëse për strehimin në njësinë e vetëqeverisjes vendore ose Enti Kombëtar i Banesave, përpëra fillimit të procedurës me shpalljen publike të ftësës për marrjen e ofertave për shitblerjen e banesave sociale, kryen këto veprime:
- a) Formulon shpalljen e ftësës publike për marrjen e ofertave;
 - b) Përcakton dokumentacionin e nevojshëm për vlerësimin e ofertave duke listuar kërkesat dhe kriteret ligjore e teknike;
 - c) Identifikon nevojat që rezultojnë për të përfituar nga fondi i banesave sociale me qira, numrin e familjeve/individëve të interesuar dhe numrin përkatës të anëtarëve për çdo familje;
 - ç) Evidenton për numrin e banesave që mund të blihen dhe strukturën e tyre përkatëse, në varësi të fondit që ka në dispozicion.

8. Shpallja e ftesës përmarrjen e ofertave për shitblerjen e banesave sociale bëhet përmes publikimit për tri ditë rresht, në median e shkruar dhe vizive, me shikueshmërinë ose tirazhin më të lartë të botimit, në faqen e internetit të njësisë së vetëqeverisjes vendore dhe Entit Kombëtar të Banesave, në Buletinin e Njoftimeve Zyrtare vendore dhe Buletinin e Njoftimeve Publike, si dhe në ambiente me frekuentim të lartë si postat, vendet e pagesave të energjisë elektrike, të marrjes së pensionit etj.

Njoftimi përban:

- a) çmimin tavan për blerjen e banesës, i cili nuk duhet të jetë më i lartë se kostoja e ndërtimit në atë njësi të vetëqeverisjes vendore, e përcaktuar sipas çmimeve të miratuara me vendim të Këshillit të Ministrave;
- b) numrin e apartamenteve që do të blihen;
- c) strukturat e apartamenteve dhe sipërfaqjet e tyre, sipas normave përkatëse të miratuara me vendim të Këshillit të Ministrave;
- ç) vendndodhjen e dëshiruar;
- d) kushtet dhe standarde që duhet të plotësojë banesa, në respektim të kushteve dhe të standardeve të banesave sociale, të miratuara me vendim të Këshillit të Ministrave.

9. Afati brenda të cilit priten të depozitohen ofertat për banesat sociale që mund të blihen nga tregu i lirë është 15 (pesëmbëdhjetë) ditë, duke filluar nga e nesërmja pas ditës së tretë të publikimit të ofertave në median e shkruar dhe vizive.

10. Njësitë e vetëqeverisjes vendore dhe Enti Kombëtar i Banesave, me shpalljen publike të ftesës përmarrjen e ofertave për shitblerjen e banesave sociale, ngrenë komisionin e shqyrtimit të ofertave për administrimin e procedurës së shitblerjes. Komisioni përbëhet nga pesë veta: një nënkyrytar i njësisë së vetëqeverisjes vendore ose një drejtor i Entit Kombëtar të Banesave, në rolin e kryetarit të komisionit, një ekonomist, një inxhinier, një jurist dhe një punonjës/e nga strukturat përgjegjëse për strehim, në rolin e anëtarit të caktuar përkatësish nga kryetari i njësisë së vetëqeverisjes vendore ose drejtori i Përgjithshëm i Entit Kombëtar të Banesave. Anëtarë të komisionit caktohen persona të cilët nuk ndodhen në kushtet e konfliktit të interesit.

11. Ofertat përbajnë, si më poshtë vijon:

- a) Informacionin në formë tabelare sipas formatit në shtojcën A, që i bashkëlidhet këtij vendimi dhe përban:
 - i. adresën e objektit/eve ku ndodhet apartamenti/et;
 - ii. vitin e ndërtimit të objektit;

- iii. katin në të cilin ndodhet apartamenti/et;
- iv. orientimin e apartamentit dhe plotësimin e kushteve e të standardeve të parashikuara në aktet nënligjore të miratuara në zbatim të ligjit nr.22/2018, "Për strehimin social";
- v. sipërfaqen e apartamentit/eve dhe të mjeshtëseve të përbashkëta;
- vi. praninë e problemeve teknike (p.sh. funksionimi i rrjetit të ujësjellësit dhe i shkarkimit të ujërave të zeza, praninë e lagështirës etj.);
- vii. çmimin e ofruar për shitje, të shprehura në lekë për apartament.

- b) Certifikatën e pronësisë;
- c) Kartelën e pasurisë së tre muajve të fundit (seksioni E);
- ç) Planimetrinë e apartamentit/eve.

12. Ofertat duhet të dorëzohen në adresën e përcaktuar në shpalljen publike të njësisë së vetëqeverisjes vendore ose Entit Kombëtar të Banesave, brenda afatit kohor të specifikuar në shpallje. Në orën, vendin dhe ditën e shpallur, komisioni i vlerësimit të ofertave fton përfaqësuesit e ofertuesve të paraqesin ofertat e tyre në zarf të mbyllur.

13. Me hapjen e ofertave, komisioni i vlerësimit të ofertave ushtron këto detyra:

- a) Vlerëson ofertat e depozituara dhe çmimet përkatëse për çdo banesë sociale të ofruar për blerje dhe shkualifikon çdo ofertë që dukshëm, bazuar në dokumentet e depozituara, nuk plotëson kushtet e termave të referencës;
- b) Përzgjedh ofertën/ofertat me vlerën më të ulët të banesave, ndërmjet banesave që plotësojnë kushtet, normat dhe standardet në fuqi;
- c) Kryen, brenda 10 (dhjetë) ditëve nga hapja e ofertave, këqyrjen e banesave sociale të ofruara për blerje, të cilat inspektohen nga inspektorë të higjienës dhe inxhinierë civilë, për të parë nëse plotësojnë kushtet dhe standardet e përcaktuara për banesat sociale që blihen në treg, sipas vendimit të Këshillit të Ministrave, dhe plotësojnë një formular për rezultatet e inspektimit, sipas modelit të parashikuar në shtojcën B, që i bashkëlidhet këtij vendimi. Kur konstatohen mangësi në dokumentacionin e nevojshëm të ofertave, i kërkohet ofertuesve t'i plotësojnë ato brenda 7 (shtatë) ditëve;
- c) Njofton me shkrim subjektin/et e përzgjedhura për t'iu blerë banesën sociale;
- d) Shpall listën e subjekteve, nga të cilët do të bëhet blerja e banesave sociale, në faqen e internetit të njësisë së vetëqeverisjes vendore ose të Entit Kombëtar të Banesave.

14. Subjekti/et i/e vlerësuar/a për blerjen e banesave sociale në treg të lirë njoftohen me shkrim. Njoftimi përmban:
- emrin, adresën e subjektit;
 - identifikimin e banesës, vendndodhjen, parcelën, sipërfaqen;
 - çmimin për apartament dhe vlerën e kontratës;
 - ftesën për të nënshkruar kontratën.
15. Kur nuk paraqitet asnje ofertë për blerjen e banesave sociale, thirja publike rishpallet edhe një herë. Nëse përsëri nuk ka asnje ofertë, njësia e vetëqeverisjes vendore ose Enti Kombëtar i Banesave rifillon procedurën e vlerësimit të përdorimit të këtij programi pas të paktën 6 (gjashtë) muajve.
16. Kur banesat ose objektet janë në pronësi të ndërmarrjeve shtetërore në likuidim, ose në pronësi të tretëve, fituar nga shitja në ankand e pronës shtetërore, kur në to janë strehuar familjarë me ose pa autorizime nga subjektet shtetërore, kur këto objekte nuk plotësojnë kushtet teknike, normat e standardet dhe përbëjnë rrezik për jetën e banorëve, kur familjet që banojnë në to janë të rrezikuara të nxirren jashtë me forcë për shkak të lirimit të objektit, kur banorët janë familje/individë që plotësojnë kushtet sociale të parashikuara në nenin 16, të ligjit nr.22/2018, si edhe me mirëkuptim me pronarin e objektit, përjashtimi, banesa sociale mund të blihet në treg pa zhvilluar procedurën e shpalljes publike të thirrjes për oferta.
Njësia e vetëqeverisjes vendore ose Enti Kombëtar i Banesave mbështetet financiarisht nga buxheti i shtetit, kur me të ardhurat e tyre nuk përballojnë financimin për blerjen e objektit dhe/ose investimin për përshtatjen e tij gradualisht me kushtet, normat dhe standardet në fuqi. Çmimi i blerjes negociohet ndërmjet palëve, pasi të jetë bërë një vlerësim paraprak i gjendjes së tregut dhe i kostos së investimit për përshtatjen e banesës në raport me vlerën e një ndërtimi të ri në treg nga struktura përgjegjëse për strehimin. Vendimi për blerjen merret nga këshilli i njësisë së vetëqeverisjes vendore ose këshilli drejtues i Entit Kombëtar të Banesave, vetëm nëse vlerësimi paraprak i bërë tregon se kostot për blerjen e objektit dhe investimit për përshtatjen graduale do të ishin më të ulëta sesa kostot për ndërtimin e një objekti të ri, si edhe kur plotësohet njëri nga rastet e parashikuara në pikën 2, të nenit 21, të ligjit nr.22/2018. Banesa ose objekti i blerë i shtohet fondit publik të banesave sociale.
17. Kontrata për blerjen e banesave të destinuara për t'u dhënë me qira, si pjesë e fondit publik të banesave sociale, bëhet me akt notarial dhe lidhet ndërmjet kryetarit të njësisë së vetëqeverisjes vendore ose titullarit të Entit Kombëtar të Banesave, ose personit të autorizuar prej tyre, dhe subjektit publik ose privat në rolin e shitësit. Kontrata parashikon kalimin e objektit në pronësi të njësisë

së vetëqeverisjes vendore ose Entit Kombëtar të Banesave, së bashku me pjesën në bashkëpronësi, sipas dispozitave të Kodit Civil dhe ligjit nr.10112, datë 9.4.2009, "Për administrimin e bashkëpronësisë në ndërtesat e banimit". Njësia e vetëqeverisjes vendore/Enti Kombëtar i Banesave ushtron të njëjtat detyrime dhe të drejta që burojnë nga statusi si bashkëpronar.

18. Kontrata për blerjen e banesave sociale në treg, të destinuara për dhënien me qira, i dërgohet Agjencisë Shtetërore të Kadastrës, për regjistrimin e kalimit të së drejtës së pronësisë në favor të njësisë së vetëqeverisjes vendore ose Entit Kombëtar të Banesave, si pjesë e fondit publik të banesave sociale me qira.
19. Ngarkohen njësitë e vetëqeverisjes vendore, Enti Kombëtar i Banesave dhe subjektet e tjera që financojnë për zbatimin e programeve të blerjes së banesave që do të jepen me qira për zbatimin e këtij vendimi.


Ky vendim hyn në fuqi pas botimit në "Fletoren zyrtare".

K R Y E M I N I S T R I

E D I R A M A

MINISTRI I FINANCAVE
DHE EKONOMISË

ANILA DENAJ



Shtoja "A" FORMULARI OFFERTES

Emër/Atësia/Mbiemër _____ Nr. ID _____

Adresa: _____; Numër telefoni: _____
Adresë email-i: _____

OFROJ: _____ (numër apartamente), të cilat ndodhen në objektin (objektet) e
banimit me të dhëna, si më poshtë:

Objekti 1 _____ (qyteti) _____,
Adresa: _____
bashia _____

Apartamenti	Sipërfaqja ¹	Përqindja e pjesëmarrje s në bashkëpronësi ²	Struktura ³	Kati ⁴	Gjendja e apartamentit ⁵	Cmimi i ofruar ⁶	Komente/ sqarime
1							
2							
3							

Viti i ndërtimit _____
Është i pajisur me ashensor: PO JO

Bashkëlidhur:

- a) certifikata(t) e pronësisë;
- b) vërtetim, lëshuar nga Agjencia Shtetërore e Kadastrës, që prona nuk është e rënduar me ndonjë barrë;
- c) planimetrinë (planimetritë) e apartamentit.

¹ Sipërfaqja e apartamentit siç jepet në certifikatën e pronësisë.

² Pjesa e pronësisë së përbashkët që i takon apartamentit siç jepet në certifikatën e pronësisë.

³ Të shënohet: G – për garsoriere; 1+1 për ap. me një dhomë gjumi dhe një ndejje; 2+1 për dy dhoma gjumi e një ndejje, e kështu me radhë.

⁴ Numërimi i katit të fillojë nga 0, ku me 0 shënohet kati i hyrjes në objekt.

⁵ Të jepet informacion mbi probleme të mundshme me lagështinë e mureve, tarracës, dyshemësë së katit përdhe, banjës, rrjedhje tubacioni uji etj.

Vini re! Prania e problemeve teknike nuk përbën kusht përjashtimor.

⁶ Cmimi jepet në formatin lekë për apartament.

FORMULAR TIP INSPEKTI

Komisioni i inspektimit, sipas vendimit nr. _____ datë _____ të Këshillit të njësisë së vetëqeverisjes vendore për blerjen e banesave sociale në treg, i përbërë nga:

1. _____, specialist inxhinier ndërtimi/arkitekt,
 2. _____, specialist hidro/sanitar,
 3. _____, specialist në fushën e higjienës/shëndetësisë
- Inspektoi apartamentin e z./zjn. _____ me adresë:
qyteti _____, lagja _____, rr. _____, pallati nr. _____, hyrja nr. _____

Gjatë inspektimit në objekt u verifikua gjendja:

- 1- në përputhshmëri me normat dhe standartet në fuqi për banesat sociale
- 2- në përputhshmëri të pjesshme
- 3- në papërputhshmëri

Veçanërisht është verifikuar gjendja fizike, e cila rezultoi, si më poshtë:

1. Gjendja e përgjithshme e ndërtimit

1.1 Sipërfaqja e apartamentit sipas dokumentit të Agjencisë Shtetërore të Kadastrës _____ m²

1.2 Zbërthim i sipërfaqeve të ambienteve të banimit

- a) Dhomë dite _____ m²
- b) Dhomë gjumi (1) _____ m²
- c) Dhomë gjumi (2) _____ m²
- ç) Dhomë gjumi (3) _____ m²
- d) Aneks gatimi _____ m²
- dh) Banjë _____ m²
- e) Korridor _____ m²
- ë) Depo _____ m²
- f) Ambiente të përbashkëta _____ m²

2. Gjendja fizike e apartamentit:

2.1 Muratura mbajtëse:

Po

Jo

- a. Janë bërë ndërhyrje me projekt që nuk prishin konstruksionin mbajtës;

- b. Janë bërë ndërhyrje pa projekt, që mund të rrezikojnë qëndrueshmërinë e objektit;

2.2 Muratura ndarëse:

- a. Janë bërë ndryshime të muraturës ndarëse

2.3 Suvatimi i mureve:

- a. Suvatimi është në gjendje të mirë;

- b. Suvatimi ka nevojë për riparime në masën _____ m².

2.4 Shtresat:

- a. Shtresat janë në gjendje të mirë;

- b. Shtresat janë të dëmtuara dhe kanë nevojë për riparime në masën _____ m².

2.5 Veshje murature banja/aneks me materjale të padepërtueshme:

- a. Veshjet janë në gjendje të mirë;

- b. Veshjet janë të dëmtuara dhe kanë nevojë për riparime në masën _____ m².

2.6 Dyer dhe dritare

- a. Dyert janë në gjendje të mirë;

- b. Dritaret janë në gjendje të mirë;

- c. Dyert janë të dëmtuara dhe kanë nevojë për t'u ndërruar _____ copë;

- d. Dritaret janë të dëmtuara dhe kanë nevojë për t'u ndërruar _____ copë;

3. Gjendja teknike

3.1 sistemi hidro/sanitar

- a. në gjendje të mirë

b. rrjeti paraqet defekte dhe ka nevojë për t'u riparuar me vlerë _____ lekë

3.2 rrjeti elektrik;

a. në gjendje të mirë

b. Rrjeti ka nevojë për riparime në _____ lekë

3.3 telefonia;

a. në gjendje të mirë

b. rrjeti ka nevojë për riparime në _____ lekë

3.4 ngrohja

a. sistemi i ngrohjes në gjendje të mirë

b. sistemi i ngrohjes është i dëmtuar dhe ka nevojë për _____ lekë riparime.

3.5 pajisjet hidro-sanitare të banjës;

a. pajisjet janë në gjendje të mirë

b. pajisjet nuk janë në gjendje të mirë kanë nevojë për t'u zëvendësuar


Shënim: Formulari i inspektimit, shoqërohet me relacionin teknik dhe ekonomik sipas zërave të formularit dhe konkluzioneve të inspektimit.

NR.PROT. 5287/1
DATË 19.12.2019

MINISTRISË SË FINANCAVE DHE EKONOMISË
ENTIT KOMBËTAR TË BANESAVE
TË GJITHA BASHKIVE
QENDRËS SË BOTIMEVE ZYRTARE

Sekretari i Përgjithshëm

Engjell AGACI



The image shows a handwritten signature "Engjell Agaci" written in cursive over a circular official stamp. The stamp contains the text "MINISTRISË SË FINANCAVE DHE EKONOMISË" around the top edge, and "ENTIT KOMBËTAR TË BANESAVE TË GJITHA BASHKIVE QENDRËS SË BOTIMEVE ZYRTARE" in the center.